

Udruženje Turističkih Agencija u Bosni i Hercegovini (u daljem tekstu Udruženje) je udruženje, koje je osnovano Zajedničkim sporazumom članova Udruženja, usvojenim na Osnivačkoj skupštini održanoj dana 11.01.2002. godine, u skladu sa Zakonom o udruženjima i fondacijama Bosne i Hercegovine. Na sjednici Skupštine održane u Sarajevu 10.05.2016. godine, uz učešće članova zastupanih po ovlaštenim predstavnicima, a na osnovu člana 10. i 12. Zakona o udruženjima i fondacijama Bosne i Hercegovine ("Sl. glasnik BiH" br. 32/01, 42/03, 63/08 i 76/11) stari Statut stavljen je van snage a usvojen je novi Statut Udruženja i to kako slijedi:

S T A T U T

UDRUŽENJA TURISTIČKIH AGENCIJA U BOSNI I HERCEGOVINI – UTA BIH

I – Osnovne odredbe

Član 1.

Ovim statutom, u skladu sa Zakonom uređuje se:

- 1) puni i skraćeni naziv Udruženja i sjedište Udruženja;
- 2) ciljevi Udruženja;
- 3) postupak za primanje i isključivanje članova Udruženja;
- 4) organi Udruženja, način na koji se biraju ovlaštenja koja imaju, kvorum i pravila glasanja, trajanje mandata, osoba ovlaštena da sazove skupštinu uvjete i način raspuštanja odnosno prestanak rada;
- 5) pravila za ostvarivanje, korištenje i raspolaganje sredstvima Udruženja kao i tijelo koje je ovlašteno za upotrebom tih sredstava;
- 6) način podnošenja finansijskog izvještaja i izvještaja o radu;
- 7) javnost rada;
- 8) postupak za izmjenu i dopunu Statuta, ovlaštenje i način donošenja drugih općih akata;
- 9) opis oblika i sadržaj pečata i znaka;
- 10) zastupanje Udruženja;
- 11) uslovi i postupak za spajanja i podjelu, odnosno prestanak rada Udruženja, uključujući i bilo kakav poseban kvorum ili pravila za postizanje kvalifikovane veličine u postupku glasanja;
- 12) postupak za raspolaganje preostalim imovinom ili drugim sredstvima u slučaju raspuštanja ili prestanka rada Udruženja;

II – Naziv i sjedište Udruženja

Član 2.

Puni naziv Udruženja na zvaničnim jezicima u Bosni i Hercegovini:

Udruženje turističkih agencija u Bosni i Hercegovini (Bosanski)
Udruga turističkih agencija u Bosni i Hercegovini (Hrvatski)
Удруженје туристичких агенција у Босни и Херцеговини (Srpski)

Skraćeni naziv Udruženja na zvaničnim jezicima u Bosni i Hercegovini:

UTA BIH (Bosanski)

UTA BIH (Hrvatski)

UTA BiH (Srpski)

Naziv Udruženja istovjetan je na sva tri službena jezika koja su u upotrebi u Bosni i Hercegovini.

Puni naziv Udruženja službeno se koristi na latinici i ćirilici.

Član 3.

Sjedište Udruženja je u Sarajevu.

Adresa Udruženja je: Ul. Maršala Tita 38 d.

Član 4.

Udruženje ima svoj znak.

Znak se sastoji od tri latinična "U" "T" "A" slova bijele boje koja su na plavoj podlozi dok je sa lijeve strane kompozicije stilizovane granice Bosna i Hercegovine u obliku trokuta kojeg čine kombinacija plavih i žutih krugova.

III – Ciljevi i djelatnosti Udruženja

Član 5.

Svrha i programski ciljevi i djelatnosti Udruženja su :

- 1) pokretanje inicijative i predlaganje mjera koje se odnose na turističku djelatnost;
- 2) podsticanje razvoja turističke djelatnosti;
- 3) rad na suzbijanju nelojalnih i neprimjerenih metoda rada turističkih agencija;
- 4) podsticanje lojalne tržišne utakmice;
- 5) djelovanje na unapređenju rada, poslovanja i usklađivanje svojih posebnih interesa sa zajedničkim interesima subjekata koji se bave turističkom djelatnošću;
- 6) saradnja sa državnim organima u svrhu ostvarivanja ciljeva i djelatnosti udruženja;
- 7) saradnja sa sličnim organizacijama u Bosni i Hercegovini, regionu i svijetu;
- 8) podršku razvoja industrije turizma na cijeloj teritoriji Bosne i Hercegovine;
- 9) rad na primjeni međunarodnih uzansi u turističkoj djelatnosti;
- 10) pokretanje akcija radom na turističkom području, u saradnji sa državnim organima, na zaštiti okoline, autohtonih kultura, arhitekture, ambijentalnih vrijednosti i sl.

Član 6.

Utvrđene ciljeve i djelatnosti Udruženje ostvaruje na način određen Zakonom, ovim Statutom i drugim opštim aktima Udruženja.

IV – Postupak za primanje i isključivanje članova Udruženja

Član 7.

Svojstvo člana Udruženja može steći svako pravno lice registrovano prvenstveno iz domena rada turističkih agencija sa poslovnim sjedištem u zemlji i inostranstvu i pravna i fizička lica koja nisu registrovana za obavljanje turističke djelatnosti, ukoliko je njihovo poslovanje od interesa za unapređenje rada UTA.

Udruženje ima redovne, pridružene i počasne članove, odnosno pravna ili fizička lica koja podstiču i unapređuju rad Udruženja.

Pridruženi i počasni članovi nemaju pravo glasa u Skupštini ali mogu biti birani u organe Udruženja.

Član 8.

Članstvo u Udruženju je dobrovoljno.

Član 9.

Pravna lica iz člana 7. stav 1. ovog Statuta stiču svojstvo člana Udruženja na osnovu zahtjeva za prijem u članstvo i izjave o prihvatanju ciljeva i Statuta Udruženja. Uz zahtjev za prijem u članstvo prilaže se izvod iz registra kod nadležnog suda ili institucije kod koje je pravno lice registrovano i odluka o podnošenju zahtjeva za prijem u članstvo donesena od strane nadležnog organa pravnog lica koje podnosi zahtjev.

Član 10.

Svim članicama UTA BiH putem E - mail dostavlja se informacija sa osnovnim podacima o kandidatima za prijem u članstvo UTA BiH na mišljenje.

Članice UTA BiH u roku od 10 dana mogu dostaviti svoje mišljenje u vezi prijema kandidata u članstvo UTA BiH . Ako se mišljenje u predviđenom roku ne dostavi, smatraće se, da je isto pozitivno.

Odluku o prijemu novog člana Udruženja donosi UO na osnovu **Pravilnika o članstvu** u Udruženju/Udrugi turističkih agencija u Bosni i Hercegovini - UTA BiH. Prijemom u članstvo UTA punopravna članica ne stiče automatski pravo na članstvo u pojedinim odborima, pododborima i komisijama.

Član 11.

U slučaju negativnog mišljenja više od 3 (tri) članice, predsjednik UTA predlaže Upravnom odboru donošenje odluke u roku od 15 dana od dana dostavljanja Primjedbi članica.

Po istoj proceduri Upravni odbor utvrđuje da li je član Udruženja počinio bitnu povredu Statuta ili drugih opštih akata Udruženja i nadležan je za izricanje mjera u slučaju ako je takva povreda izvršena.

Odluke se donose većinom glasova prisutnih članova.

Član 12.

Članstvo u Udruženju prestaje:

- 1) istupanjem člana
- 2) isključenjem člana
- 3) prestankom pravnog subjektiviteta člana

Član 13.

Svaki član Udruženja može istupiti iz Udruženja, na osnovu pismene izjave o istupanju koju dostavlja Upravnom odboru Udruženja.

Kao dan prestanka članstva smatrat će se datum prijema izjave o istupanju.

Član 14.

Član Udruženja koji grubo krši Statut Udruženja, ne izvršava svoje obaveze prema Udruženju, ili svojim postupcima nanosi štetu Udruženju, ili narušava ugled Udruženja, može biti isključen iz Udruženja.

Prije donošenja odluke o isključenju, član Udruženja mora biti obaviješten o prijedlogu za isključenje, kao i razlozima zbog kojih se predlaže isključenje. Članu Udruženja se mora ostaviti razuman rok za izjašnjenje o pokrenutom prijedlogu za isključenje iz Udruženja.

Odluku o isključenju člana donosi Upravni odbor.

Protiv odluke Upravnog odbora, u roku od 30 dana od dana za primanje odluke, može se izjaviti prigovor Skupštini Udruženja, čija je odluka konačna.

Član 15.

Član Udruženja koji istupi ili koji je isključen iz Udruženja, dužan je izvršiti obaveze prema Udruženju dospjele do dana prestanka članstva.

Član 16.

Članstvo u Udruženju prestaje članu koji izgubi svojstvo pravnog lica, danom upisa prestanka svojstva u registar kod nadležnog suda.

Član 17.

Skupština Udruženja može donijeti akt, kojim će, u skladu sa ovim Statutom, bliže urediti način i postupak stupanja u članstvo i prestanak članstva.

Član 18.

Članovi Udruženja imaju sljedeća prava i obaveze:

- 1) da biraju i da budu birani u organe Udruženja;
- 2) da aktivno učestvuju u ostvarivanju ciljeva Udruženja;
- 3) da budu redovno i blagovremeno obavještavani o aktivnostima Udruženja;
- 4) da sarađuju sa ostalim članovima Udruženja;
- 5) da čuvaju i podižu ugled Udruženja;
- 6) da uredno plaćaju članarinu i izvršavaju druge preuzete obaveze;
- 7) da ostvaruju druga prava i dužnosti utvrđena Statutom i opštim aktima Udruženja;

Član 19.

Pravo da biraju i da budu birani u organe Udruženja, kao i da učestvuju u radu organa, članovi Udruženja ostvaruju putem zastupnika ovlaštenih od strane nadležnih organa Udruženja.

V – Organi Udruženja

Član 20.

Organi udruženja su:

- 1) Skupština;
- 2) Upravni odbor;
- 3) Nadzorni odbor;

Skupština udruženja

Član 21.

Skupština Udruženja je najviši organ Udruženja, koju čine predstavnici članova Udruženja i broji minimalno 9 do maksimalno 15 članova.

Broj i način izbora delegata - članova Skupštine Udruženja regulirat će se posebnim aktom Udruženja, kojeg donosi Skupština Udruženja.

Član 22.

Skupština Udruženja sastaje se po potrebi, a najmanje jednom u godini dana.

Skupštinu saziva predsjednik Skupštine dostavljajući pismene pozive članovima Udruženja najmanje 10 dana prije održavanja sjednice.

Predsjednik je dužan sazvati Skupštinu u slučaju kad to zahtijeva najmanje jedna trećina članova Skupštine, ili kad to zatraži Upravni odbor ili Nadzorni odbor.

Ako Predsjednik Skupštine ne sazove Skupštinu u roku od 60 dana, u slučajevima iz prethodnog stava, odluku o sazivanju Skupštine donijet će Upravni odbor.

Član 23.

Skupština može biti izborna, redovna i vanredna.

Izborna Skupština se održava svake četvrte godine, radi izbora organa Udruženja.

Redovna Skupština održava se jednom godišnje.

Vanredna Skupština održava se po potrebi, na zahtjev Upravnog odbora ili jedna trećina članova Udruženja, a ista se može održati kao telefonska sjednica.

Član 24.

Skupština udruženja nadležna je za:

1. donošenje statuta, izmjena i dopuna statuta i drugih akata određenih statutom;
2. odlučivanje o pripajanju, razdvajanju, transformisanju, raspuštanju i prestanku rada, kao i o
3. drugim statusnim promjenama udruženja;
4. imenovanje i razrješenje članova upravnog i nadzornog odbora;
5. razmatranje i usvajanje izvještaja koje je pripremio upravni i nadzorni odbor,
6. odlučivanje o svim drugim pitanjima koja nisu u nadležnosti drugih tijela udruženja.

Član 25.

Skupština bira predsjednika Skupštine i dva potpredsjednika Skupštine, sa mandatom u trajanju od 4 godine, sa mogućnošću ponovnog izbora.

Predsjednik Skupštine saziva sjednice Skupštine, predsjedava sjednicama i stara se o sprovođenju odluka koje donosi Skupština.

Potpredsjednici Skupštine pomažu predsjedniku u vršenju poslova iz njegove nadležnosti.

U slučaju spriječenosti ili odsustva predsjednika Skupštine zamjenjuje jedan od potpredsjednika, koga predsjednik ovlasti.

Član 26.

Bliže odredbe o načinu rada Skupštine, glasanja, odlučivanja, upućivanja poziva za sjednice, vođenju zapisnika i drugim pitanjima od značaja za rad Skupštine uređuju se Poslovníkom o radu Skupštine.

Upravni odbor

Član 27.

Upravni odbor čine predsjednik, 2 potpredsjednika i 2 člana koji se biraju iz redova članova Udruženja.

Članove Upravnog odbora i predsjednika bira i razriješava Skupština Udruženja na period od 4 godine, sa mogućnošću ponovnog izbora.

Član 28.

Upravni odbor sastaje se po potrebi i saziva ga predsjednik Upravnog odbora, a svoje odluke u slučaju odsustva članova i hitnosti može donositi i na telefonskim sjednicama.

Za rad i odlučivanje Upravnog odbora potrebno je da bude prisutno minimalno tri člana.

Upravni odbor donosi odluke većinom glasova prisutnih članova.

Član 29.

Upravni odbor Udruženja obavlja sljedeće poslove:

- 1) priprema sjednice Skupštine;
- 2) priprema nacrt Statuta i drugih akata koje donosi Skupština;
- 3) provodi politiku, zaključke i druge odluke koje je donijela Skupština;
- 4) raspolaže imovinom Udruženja;
- 5) podnosi godišnje i periodične izvještaje o svom radu Skupštini;
- 6) imenuje na prijedlog predsjednika UO sekretara Udruženja i eventualno druga zaposlena lica, angažuje vanjske saradnike za stručnu pomoć na realizaciji osnovnih ciljeva i djelatnosti Udruženja, obrazuje specijalizirane odbore, Sud časti, komisije i druga radna tijela, radi izvršavanja posebnih zadataka iz djelatnosti Udruženja;
- 7) prati realizaciju finansijskog plana Udruženja, i donosi odluke o upotrebi sredstava;
- 8) obavlja druge poslove, predviđene Statutom i aktima Udruženja;
- 9) bira dva potpredsjednika;

O rezultatima svoga rada Upravni odbor podnosi pisani izvještaj Skupštini najmanje jedanput godišnje.

Član 30.

Članovi Upravnog odbora mogu biti opozvani i prije isteka vremena na koje su izabrani i to:

- 1) na sopstveni zahtjev;
- 2) ako svojim radnjama u vezi sa radom Upravnog odbora ruši ugled Udruženja;
- 3) i u drugim slučajevima predviđenim Zakonom, ovim Statutom i aktima Udruženja;

Odluku o opozivu člana Upravnog odbora donosi Skupština Udruženja i to većinom glasova.

Član 31.

Predsjednik Upravnog odbora Udruženja obavlja sljedeće poslove:

- 1) predstavlja Udruženje i obavlja zadatke iz člana 29. Stav (6);
- 2) saziva sjednice Upravnog odbora, predsjedava sjednicama i stara se o izvršavanju odluka iz nadležnosti Upravnog odbora;
- 3) obavještava javnost o radu Udruženja;
- 4) vrši i druge poslove za koje je ovlašten Statutom ili koje mu povjeri Skupština Udruženja;

Član 32.

Poslovníkom o radu, koji donosi Upravni odbor bliže se određuje način rada i odlučivanja, sazivanje sjednica, vođenje zapisnika i druga pitanja od značaja za rad Upravnog odbora.

Nadzorni odbor

Član 33.

Nadzorni odbor čine predsjednik i 2 člana.

Članove Nadzornog odbora i predsjednika bira i razriješava Skupština Udruženja na period od 4 godine, sa mogućnošću ponovnog izbora.

Član 34.

Nadzorni odbor sastaje se po potrebi, a saziva ga predsjednik nadzornog odbora. Nadzorni odbor donosi odluke većinom glasova prisutnih članova.

Član 35.

Nadzorni odbor nadzire:

- a) vođenje poslova Udruženja;
- b) materijalno i finansijsko poslovanje i raspolaganje sredstvima;
- c) izvršenje i provedbu programa rada i finansijskog plana;

O obavljenom nadzoru Nadzorni odbor podnosi pisani izvještaj Skupštini najmanje jedanput godišnje.

Član 36.

Skupština Udruženja može donijeti opšti akt kojim se pobliže razrađuju ovlaštenja i način rada Upravnog Nadzornog odbora u vršenju nadležnosti utvrđene ovim Statutom.

VI - Pravila za ostvarivanje, korištenje i raspolaganje sredstvima Udruženja kao i tijelo ovlašteno za upotrebu tih sredstava i način podnošenja finansijskih izvještaja i izvještaja o radu

Član 37.

Imovinu Udruženja čine: prava, stvari i novac, koji Udruženje stiče u skladu sa Zakonom i ovim Statutom.

Za obaveze prema trećim licima Udruženje odgovara cjelokupnom imovinom.

Član 38.

Udruženje može sticati prihode iz sljedećih izvora:

- članarina;
- dobrovoljnih priloga i poklona javnih institucija, fizičkih i pravnih lica, kako u gotovini tako i u imovini i uslugama;
- državnih subvencija i ugovora sa državom, javnim institucijama, fizičkim i pravnim licima;
- prihoda od kamata, dividendi, dobiti od kapitala, zakupnina, honorara i sličnih izvora;
- prihoda stečenih kroz ostvarivanje ciljeva i aktivnosti Udruženja, u skladu s ovim Statutom;
- drugih izvora u skladu sa važećim zakonima;

Član 39.

O sticanju prihoda, korištenju imovine i raspolaganju sredstvima Udruženja odlučuje Upravni odbor u skladu s ovim Statutom i opštim aktima Udruženja.

Član 40.

Udruženje je dužno uredno voditi poslovne knjige u skladu sa prihvaćenim računovodstvenim principima i sastavljati finansijske izvještaje, saglasno važećim propisima.

Član 41.

Upravni odbor je dužan, najmanje jednom godišnje, podnijeti Skupštini Udruženja izvještaj sa podacima o imovini Udruženja, korištenju imovine, приходima i rashodima

Udruženja i drugim pitanjima od značaja za raspolaganje imovinom i za finansijsko poslovanje Udruženja.

Član 42.

Kontrolu finansijskog poslovanja Udruženja vrši Nadzorni odbor, na način utvrđen ovim Statutom.

Član 43.

Lice ovlašteno da potpisuje akte koji se odnose na sticanje i raspolaganje imovinom Udruženja i na finansijsko poslovanje je predsjednik Upravnog odbora.

Član 44.

Skupština Udruženja može donijeti opšte akte kojima se, u skladu s ovim statutom, bliže uređuju pravila za ostvarivanje, korištenje i raspolaganje sredstvima Udruženja i za nadzor nad korištenjem tih sredstava.

VII - Javnost rada

Član 45.

Rad Udruženja je javan.

Javnost rada Udruženja ostvaruje se na način utvrđen zakonom i ovim Statutom.

Član 46.

Organi Udruženja su dužni da ovlaštenim predstavnicima sredstava informiranja učine dostupnim podatke, informacije, i isprave koje se odnose na rad Udruženja.

Predstavnici sredstava informiranja imaju pravo da prisustvuju sjednicama organa Udruženja i da izvještavaju o radu tih organa.

Član 47.

Članovi Udruženja imaju pravo da budu redovno informirani o radu svih organa Udruženja. Informiranje članova se vrši putem web portala Udruženja.

O informiranju članova Udruženja stara se sekretar Udruženja.

Član 48.

Izuzetno, općim aktom, koji donosi Upravni odbor, može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa

VIII - Statut i drugi opći akti Udruženja, opis oblika i sadržaja pečata i znaka Udruženja i zastupanje Udruženja

Izmjene i dopune statuta

Član 49.

Inicijativu za izmjene i dopune Statuta može podnijeti svaki član Udruženja. Inicijativa se podnosi Upravnom odboru, preko sekretara, pismenim putem i s odgovarajućim obrazloženjem.

Član 50.

Prijedlog za izmjene i dopune Statuta utvrđuje Upravni odbor. Utvrđeni prijedlog dostavlja se Skupštini Udruženja, pismenim putem s odgovarajućim obrazloženjem, najmanje 15 dana prije dana održavanja sjednice skupštine.

Član 51.

O izmjenama i dopunama Statuta odlučuje Skupština, većinom glasova ukupnog broja članova Udruženja.

Član 52.

Predsjednik Skupštine potpisuje 3 primjerka odluke o izmjenama i dopunama Statuta, koji se smatraju originalima i čuvaju se u arhivi Udruženja.

Opšti akti Udruženja

Član 53.

Pored Statuta organi Udruženja donose i druge opšte akte i to:

- odluke
- pravilnike i
- poslovnike

Opšti akti Udruženja moraju biti saglasni Zakonu i Statutu Udruženja.

Član 54.

Odluke, kao opšti akti, donose se u slučajevima kada je to izričito utvrđeno zakonom i ovim Statutom, kao i drugim slučajevima kada se na opšti način uređuju pitanja od značaja za ostvarivanje ciljeva Udruženja.

Član 55.

Pravilnikom se na opšti način uređuju odnosi između članova Udruženja, kao i međusobni odnosi organa Udruženja u ostvarivanju njihovih nadležnosti.

Član 56.

Poslovníkom se bliže uređuje naćin rada organa Udruženja u izvršavanju njihovih nadležnosti utvrđenih Statutom.

Član 57.

Originalni primjerci opštih akata Udruženja ćuvaju se u arhivi Udruženja.

Pećat Udruženja

Član 58.

Pećat Udruženja je okruglog oblika sa punim nazivom Udruženja upisanim latinicom i ćirilicom. U središnjem dijelu pećat sadrži skraćeni naziv Udruženja ispisan latinicom.

Zastupanje Udruženja

Član 59.

Udruženje predstavlja predsjednik Upravnog odbora Udruženja, a mogu ga zastupati podpredsjednici i drugi ćlanovi UO po odluci i ovlaštenju predsjednika Upravnog odbora.

Član 60.

U postupcima u kojim Udruženje ućestvuje kao stranka, radi ostvarivanja svojih prava, dužnosti i odgovornosti pred nadležnim organima, predsjednik Upravnog odbora, mođe dati pismenu punomoć za zastupanje advokatu ili drugom stručnom licu.

IX - Statusne promjene i postupak raspolaganja preostalom imovinom Udruženja

Spajanje i transformacija Udruženja

Član 61.

Udruženje se mođe udružiti sa drugim Udruženjima u BiH, regionu i u svijetu. Udruženje se mođe transformirati u Udruženje od javnog interesa. Udruženje mođe sklapati partnerstva sa javnim i privatnim sektorom privrede. Udruženje mođe aplicirati (samostalno, kao partner ili korisnik) na dostupne fondove EU i svijeta.

Član 62.

Odluku o udruživanju, pripajanju ili transformaciji donosi Skupština Udruženja na prijedlog Upravnog odbora.

Odlukom iz prethodnog stava se reguliše naročito:

- 1) naziv Udruženja koja nastaju pripajanjem ili naziv Udruženja nakon transformacije u Udruženje od javnog interesa, kao i sjedište i adresu;
- 2) naziv Udruženja koje nastaje udruživanjem sa drugim udruženjima iz regiona
- 3) podjela imovine, prava i obaveza;
- 4) ciljevi Udruženja nakon pripajanja ili transformacije;
- 5) imena osoba ovlaštenih za obavljanje poslova u podnošenju zahtjeva za upis u registar izvršene transformacije Udruženja

Član 63.

Odluka iz člana 62. Statuta smatra se usvojenom kada je na sjednici Skupštine prihvati više od polovine broja prisutnih članova Udruženja.

Prestanak rada Udruženja

Član 64.

Udruženje može prestati sa radom dobrovoljno ili po sili Zakona.

Član 65.

Udruženje prestaje sa radom dobrovoljno ako Skupština na svojoj sjednici dvotrećinskom većinom pristupilih članova Udruženja donese odluku o raspuštanju Udruženja.

Da bi se mogla donijeti odluka o dobrovoljnom prestanku rada Udruženja, sjednici Skupštine Udruženja mora prisustvovati preko jedne polovine redovnih članova Udruženja.

Postupak za raspolaganje preostalom imovinom u slučaju prestanka rada Udruženja

Član 66.

Istovremeno sa odlukom o raspuštanju Udruženja, Skupština donosi plan likvidacije Udruženja kojim se utvrđuje raspored imovine, prava i obaveze Udruženja, u skladu sa statutom Udruženja.

Skupština imenuje likvidatora Udruženja čija je dužnost da se stara o izvršenju plana likvidacije i koji je ovlašten da zastupa udruženje u postupku likvidacije i u podnošenju zahtjeva za prijavu prestanka rada Udruženja nadležnim organima.

Član 67.

U postupku likvidacije Udruženja iz imovine Udruženja izmiriće se sve dospjele zakonske obaveze, kao i obaveze nastale prema drugim povjeriocima Udruženja, a

eventualna preostala imovina rasporedit će se na članove Udruženja srazmjerno njihovom doprinosu u plaćanju članarine.

X - Prelazne i završne odredbe

Član 68.

Ovaj Statut stupa na snagu danom usvajanja na skupštini Udruženja, a primjenjivaće se od dana upisa Udruženja u Registar kod nadležnog ministarstva.

Član 69.

Predsjednik Skupštine potpisuje 6 primjeraka ovog statuta i to po dva primjerka na svakom jeziku koji je u službenoj upotrebi u Bosni i Hercegovini.

Svi primjerci iz prethodnog stava smatraju se originalima.

Sarajevo, 10.5.2016.

Broj: 15/16

Velibor Babić, predsjednik Skupštine UTA BiH